

唐
音
統
籤

戊籤七十五

唐音統籤卷七百九

韓偓字致光

紀事云本字致堯史云致光誤

京兆萬年人擢進士

第累翰林學士中書舍人劉季述之變佐崔胤反

正爲功臣隨幸岐下遷兵部侍郎進承旨還京昭

宗益加信任處可機密欲相者三四讓不敢當以

薦趙崇貳於胤朱全忠欲罪之胤不爲解貶濮州

司馬昭宗執手涕別歎左右自此無人再貶榮懿

尉徙鄧州司馬天祐中復原官徵時唐祚將移不

赴召挈族南依王審知卒偓十歲能詩嘗卽席爲

詩送父友李商隱一坐盡驚

商隱集贈韓冬郎詩有十歲裁詩走馬成

及雛鳳清干老鳳聲之句冬郎僊
小字父瞻開成中商隱同年也 富才情詞賦麗

初喜爲閨閣詩後遭國禍遠遁出語依於節義得

詩人之正焉自號玉山樵人集六卷石林葉氏曰

濮州後卽不甚詳吾家所從僊詩皆以甲子歷歷

自記有天神二年乙丑在袁州得人賀復除戎曹

依舊承古詩又有丁卯年聞再除戎曹依前充職

詩蓋兩召皆辭不赴也終身不食梁祿大節與司

空表聖畧相等惜乎唐史止書乙丑一召不爲少

發明之 晁公武曰僊有君子之道四焉唐之末

南北分崩而忘其君僊雖崔鉞門生獨能棄家從

上一也其時播紳無不交還內外以蠟取爵祿僊

獨能力辭相位二也不肯草草貽範起復祿三也

不肯致拜於朱溫四也詩曰風雨如晦雞鳴不已

僊之謂矣而宋子京薄之奈何 南唐近事云僊

前館日有一篋緘鑷甚密家人意其中必有珍玩

焚觀之惟得燒殘龍鳳燭百餘條蠟淚尚新蓋在

餘院日昭宗召對金鑾深夜宮妓秉燭以送僊悉

藏之識不忘也 按倅集唐藝文志一卷香奩集

一卷宋志又有人翰林集一卷別集三卷倅在閩

所為詩皆手自寫成缺宋嘉祐間龐頤公為曹從

喬孫奕取奏之奕因得官故較唐志為多人翰林

集不計二十篇別集自出官迄寫閩詩具在而及

第前後諸作亦附焉若香奩集大槩未登第前詩

也茲案翰林集別集編年為四卷香奩集合別集

中一 二 三 四 卷附末而畧譜其年于左俾讀

者斷其出處之槩云 昭宗龍紀元年倅登進士

前此懿宗咸通元年至僖宗中和元年二十二年

中倅有香奩集自序云庚辰迄辛丑作正而元年

歲干也 天復元年五月入翰林有召對及寓直

等詩十一月昭宗劫遷鳳翔隨駕有隨駕詩三年

正月還京未幾作全忠貶有 月二十二日赴貶

所途中詩 次年甲子昭宗遷洛遇弒有八月六

日詩自後詩紀歲干不稱年號用陶靖節義例示

不臣梁也 甲子在湖南有夏五月自長沙抵醴

陵詩尋入袁州至撫州 乙丑寓撫州有聞復官

不赴詩 丙寅寓撫州是秋至福州主黃滔家見

香奩集跋 丁卯寓福州有復官不赴召詩是歲唐

亡有感事詩三十四韻

戊辰寓福州

已巳寓

汀州沙縣有規鄭左丞赴梁徵命及寄京洛親友

令知病廢詩 庚午寓尤溪尋寓惟林場閩志樵

林溪去南安二十里或卽其地 辛未寓南安

壬申寓南安有譏梁奉使郎官笑余迂古詩 癸

酉寓南安有此地三年曾寄家詩及氣疾初愈詩

方輿勝覽云偃卒鄭誠

之爲哀詞今墓在南安

五言古詩

幽獨

幽獨起侵晨山鶯啼更早門巷掩蕭條落花滿芳

草煙和魂共遠春與人同老默默又依依淒然此

懷抱

雨中

青桐承雨聲聲何重疊
疎滴下高枝次打欹低
葉鳥濕更梳翎人愁方挂
頰獨自上西樓風襟寒
帖帖

南亭

每日在南亭南亭似僧院
人語靜先聞鳥啼深不
見松瘦石稜稜山光溪澱
澱澱澱蔓墜長茸島花垂
小倩行簪隱士冠卧讀先
賢傳更有興來時取琴
彈一遍

乾寧三年丙辰在奉天重圍作

仗劍夜巡城衣襟滿霜霰
賊火遍郊垆飛焰侵星

漢積雪似空江長林如斷岸獨凭女牆頭思家起
長歎

出官經硤石縣

天復三年二月二十二日

謫宦過東畿所抵州名濮故里欲清明臨風堪慟
哭溪長柳似帷山暖花如醖逆旅訝簪裙南路以久無儒服經過皆相聚悲喜野老悲陵谷暝鳥影連翩驚狐尾蘇遯
尚得佐方州信是皇恩沐

早起五言三韻

自注甲子體陵作

萬樹綵楊垂千般黃鳥語庭花風雨餘岑寂如村
塢依依官渡頭晴陽照行旅

暴雨

庚午桃
林場作

電尾燒黑雲雨脚飛銀線急點濺池心微煙昏水
面氣涼氛稜消暑退松篁健叢蓼亞蘋葦擎荷翻
綠扇風期誰與同逸趣余探遍欲去更遲留胃中
久交戰

火蛾

辛未南安縣作
此詩蓋有所指

陽光不照臨積陰生此類非無惜殛心柰有賊明
意粉穿紅焰焦翅撲蘭膏沸爲爾一傷嗟自棄非
天棄

七言古詩

雨

坐來簌簌山風急
山雨隨風暗原隰
樹帶繁聲出竹間
溪將大點穿籬入
餉婦寥翹布領寒
牧童擁腫蓑衣濕
此時高味共誰論
擁鼻吟詩空佇立

閒步

莊南縱步遊荒野
獨鳥寒煙輕惹惹
傍山疎雨濕秋花
僻路淺泉浮敗果
樵人相聚指驚麕
牧童四散收嘶馬
一壺傾盡未能歸
黃昏更望諸烽火

江行

浪撼青山江北岸
雲含黑雨日西邊
舟人偶語憂

風色行客無聊罷晝眠爭似槐花九衢裏馬蹄安穩慢垂鞭

自撫州往南城縣舟行見拂水薔薇因有是

作

丙寅三月二十七日

江中春雨波浪肥石上野花枝葉瘦枝低波高如有情浪去枝留如力鬪綠刺紅房戰裏時吳娃越艷醺酣後且將濁酒伴清吟酒逸吟狂輕宇宙

五言律詩

離家

八月初長夜千山第一程款顏唯有夢怨泣却無

聲祖席諸賓散空郊匹馬行自憐非達識局促爲浮名

漫作二首

暑雨洒和氣香風吹日華
瞬龍驚汗漫翫鳳絳雲霞
玄圃珠爲樹天池玉作砂
丹霄能幾級何必待乘槎

黍谷純陽入鸞霄瑞彩生
岳靈分正氣仙衛借神兵
汚俗迎風變虛懷遇物傾
千鈞將一羽輕重在平衡

登樓有題

暑氣簷前過蟬聲樹外交待潮生浦口看雨過山
坳才見蘭舟動仍聞桂楫敲穿雲朱檻好終覩鳳
來巢

野寺

野寺看紅葉縣城聞擣衣自憐癡病苦猶共賞心
違高閣正臨夜前山應落暉離情在煙鳥遙入故
關飛

永明禪師房

景色方妍媚尋真出近郊寶香爐上爇金磬佛前
敲蔓草稜山徑晴雲拂樹梢支公禪寂處時有鵲

來巢

寄京城親友二首

苦吟看墜葉寥落共天涯壯歲空爲客初寒更憶
家雨墻經月蘚山菊向陽花因味碧雲句傷哉後
會賒

相思凡幾日日欲詠離衿直得吟成病終難狀此
心解衣悲緩帶搔首悶遺簪西嶺斜陽外潛疑是
故林

草書屏風

何處一屏風分明懷素蹤雖多塵色染猶見墨痕

濃恠石奔秋澗寒藤掛古松若教臨水畔字字恐
成龍

早翫雪梅有懷親屬

甲子醴陵作

北陸候纔變南枝花已開無人同悵望把酒獨徘徊
凍白雪爲伴寒香風是媒何因逢越使腸斷謫
仙才

歲九月在蕭灘鎮駐泊兩月忽得商馬楊迢
貲外書賀余復除戎曹依舊承旨還緘後因

批四十字

丑乙

旅寓在江郊秋風正寂寥紫泥虛寵獎白髮已漁

集賢新錄
樵事往淒涼在時危志氣銷若爲將朽質猶擬杖
於朝

向隅

丙寅秋至
福州作

守道得途遲中兼遇亂離剛腸成繞指玄髮轉垂
絲客路少安處病床無穩特弟兄消息絕獨歛向
隅眉

社後

社後重陽近雲天淡薄間日隨棊客靜心共睡僧
閒歸鳥城銜日殘虹雨在山寂寥思晤語何夕歛
柴關

息慮

急應狎羣鷗行藏合自由春寒宜酒病夜雨入鄉
愁道向危時見官因亂世休外人相待淺獨說濟
川舟

晨興

庚午曉
林塲

曉景山河爽閒居巷陌清已能消滯念兼得散餘
醒汲水人初起迴燈燕暫驚放懷殊未足圓隙已
塵生

山院避暑

行樂江郊外追涼山寺中靜陰生晚綠寂慮延清

風運塞地維窄氣蘇天宇空何人識幽抱目送冥
冥鴻

閒興

景寂有玄味韻高無俗情他山水雪解此水波瀾
生影重陰花密滴稀知酒清忙人長擾擾安得心
和平

悽悽

辛未南
安縣

深將寵辱齊往往亦悽悽白日知丹抱青雲有舊
蹊皆鹹凌魯濟惡潔助涇泥風雨今如晦慙憐報
曉雞

信筆

春風狂似虎春浪白於鵝柳密藏煙易松長見日
多生涯採芝叟鄉俗摘茶歌道在無伊鬱天將柰
爾何

五言排律

隰州新驛

盛德已圖形胡爲忽構兵燎原雖自及誅亂不無
名擲鼠須防誤連雞莫憚驚本期將係虜末策但
嬰城肘腋人情變朝廷物論生果聞荒谷縊旋觀
藁街烹帝怒今方息時危喜暫清始終俱以此天

意甚分明

贈吳顥尊師

丙寅年
福州作

飲酒經何代休糧度此生跡應常自浼顥亦強爲
名道若干鈞重身如一羽輕毫釐分象緯袒跣揖
公卿狗竇號光逸漁陽裸禰衡笑雷冬蟄震巖電
夜珠明月滑侵簪冷江光逼屐清半酣思救世一
手擬扶傾擊地嗟衰俗看天貯不平自緣懷氣義
可是計烹亨議論通三教年顏稱五更老狂人不
厭密行鬼應驚未識心相許開襟語便誠伊余常
伏義願拜十年兄

送人棄官入道

仙李濃陰潤皇枝密葉敷俊才輕折桂捷逕取紆
朱斷繼三清路揚鞭五達衢側身期破的縮手待
呼盧社稷俄如綴雄豪詎守株忸怩非壯志擺脫
是良圖塵土畱難住纓綬棄若無冥心歸大道迴
首笑吾徒酒律應難忘詩魔未肯徂他年如拔宅
爲我指清都

感事三十四韻

丁卯作是年唐云所云東海
蓬桑田也山岳還青聳似嶺

爲閩
言之

紫殿承恩歲金鑾入直年人歸三島路日過八花

博鴛鴦皆迴廊華變亦慕羶慶霄舒羽翼塵世有

神仙雖遇河漢之慈非岳降賢皇慈容散拙公議

通陶甄江總參文侍狎筵腐儒親帝座太

史認星躔劍弁之濡毫俟密宣官司持玉硯

書省擘香牋官司人職各唯理心無黨憐才勝屢

前焦勞皆實錄宵旰豈虛傳始議新堯曆將期整

舜絃上有出東內幽居勵心庶政延接丞相去梯

言必盡仄席意彌堅上相思懲惡中人詎省僊鹿

窮唯觝觸兔急且獮刀延切猱丑船本是謀賒死

因之致劫遷氛霾言下合日月暗中懸恭顯誠甘

罪韋平亦恃權畏聞巢幕險寧寤積薪燃諒直尋
鉗口好纖益比肩晉讒終不解魯瘠竟難痊祗擬
誅黃皓何曾識霸先嗾蔡翻醜正養虎欲求全萬
乘煙塵裏千官劍戟邊斗魁當北折地軸向西偏
袁董非徒爾師昭豈偶然中原成劫火東海遂桑
田濺血慙嵇紹運行笑褚淵四夷同效順一命敢
虛捐山岳還青律穹蒼舊碧鮮獨夫長嘒泣多士
已忘筌鬱鬱空狂叫微微幾病癲丹梯倚寥廓終
去問青天

寒食日沙縣雨中看書後

已巳

何處遇舊薇殊鄉冷節時雨聲籠錦帳風勢偃羅
幃通體全無力酡顏不自持綠疎微露刺紅密欲
藏枝慙意馮欄久貪吟散盡連旁人應見訝自辭
自題詩

桃林場客舍之前有池半畝木槿櫛比闌水
遮山因命僕夫運斤梳沐豁然清明復觀太
虛因作五言八韻以記之

庚午

挿槿作藩籬叢生覆小池爲能妨遠目因遣去閒
枝鄰叟偷來賞樓禽欲下疑虛空無那處蒙閉有
開時羣鷺憐瀟灑泥鱗畏赫曦稍寬春水面盡見

晚山眉岸穩人偷釣堦明日上基世間多弊事事
事要良醫

卷終

戊籤七十五韓偓之二

唐音統籤卷

七百十

七言律詩一

守愚

深院寥寥竹蔭廊披衣欹枕過年芳
守愚不覺世途險無事始知春日長
一畝落花園隙地半竿濃日界空牆
今來自責趨時懶翻恨松軒書滿牀

格卑

格卑常恨足牽仍欲學亡情盡不能
入意雲山輸畫匠動人風月羨琴僧
南朝峻潔推弘景東晉清狂數季鷹
惆悵後塵流落盡自慙懷抱醉憎騰

睡起

睡起墻陰下藥欄瓦松花白閑柴關斷年不出僧
嫌癖逐日無機鶴伴閒塵土莫尋行止處煙波長
在夢魂間終撐舴艋稱漁叟賒買湖心一嶼山

半醉

水向東流竟不回紅顏白髮遞相催壯心暗逐高
歌盡往事空因半醉來雲護鴈霜籠淡月雨連鶯
曉落殘梅西樓悵望芳菲節處處斜陽草似苔

夜坐

天似空江星似波時時珠露滴圓荷平生蹤跡

真隱此夕襟懷深自多格是厭厭饒酒病終須的
的學漁歌無名無位堪休去猶擬朝衣換釣簑

元夜卽席

元宵清景亞元正絳雨霏霏向晚傾桂兔韜光雲
葉重燭龍銜耀月輪明煙空但仰如膏潤綺席都
忘滴砌聲更待今宵闌霽後九衢車馬未妨行

三月

辛夷才謝小桃發踏青過後寒食前四時最好是
三月一去不迴唯少年吳國地遙江接海漢陵魂
斷草連天新愁舊恨真無奈須就隣家甕底眠

惜春

願言未偶非高臥多病無心選勝遊一夜雨聲三
月盡萬般人事五更頭年踰弱冠卽爲老節過清
明却似秋應是西園花已落滿溪紅片向東流

傷春

三月光景

一作春光

不忍看五陵春色何摧殘窮途得

志友惆悵飲席話舊多闌珊中酒向陽成美睡惜
花衝雨覺傷寒野棠飛盡蒲根暖寂寞南溪倚釣
竿

春盡

惜春連日醉昏昏醒後衣裳見酒痕細水漾花歸
別浦斷雲含雨入孤村人閒易有芳時恨地勝難
招自古魂慙愧流鶯相厚意清晨猶爲到西園

冬日

蕭條古木銜斜日戚瀝晴寒滯早梅愁處雪煙連
野起靜時風竹過牆來故人每憶心先見新酒偷
嘗手自開景狀入詩兼入畫言情不盡恨無才

地爐

兩星殘火地爐畔夢斷背燈重擁衾側聽空堂聞
靜響似敲疎磬裏清音風燈有影隨風轉臘雪無

聲逐夜深禪客釣翁徒自好那知此際湛然心

傷亂

岸上花根總倒垂水中花影幾千枝一枝一影寒
山裏野水野花清露時故國幾年猶戰鬪異鄉終
日見旌旗交親流落身羸病誰在誰亡兩不知

避地寒食

避地淹留已自悲况逢寒食欲沾衣殘春孤館人
愁坐斜日空園花亂飛路遠漸憂知己少時危又
與賞心違一名所繫無窮事爭敢當年便息機

村居

二月三月雨晴初舍南舍北唯平蕪前權入望盈
千恨勝景牽心非一途日照神堂聞啄木風含社
樹叫提壺行看旦夕梨霜發猶有山寒傷酒壚

深村

甘向

一作老

深村固不材猶勝摧折傍塵埃清霄翫

月惟紅葉永日關門但綠苔幽院菊荒同寂寞野
橋僧去獨徘徊隔離農叟遙相賀
膏雨
來

秋村

稻壟蓼紅溝水清荻園葉白秋日明空坡路細見

騎過遠田人靜聞水行柴門狼籍牛羊氣竹塢幽
深雞犬聲絕粒看經香一炷心知無事卽長生

再止廟居

去值秋風來值春前時今日共銷魂頽垣古柏疑
山觀高柳鳴鴉似水村菜甲未齊初出葉樹陰方
合掩重門幽深凍餒皆推分靜者還應爲討論

夏課成感懷

別離終日心怱怱五湖煙波歸夢勞淒涼身事夏
課畢濩落生涯秋風高居世無媒多困躓昔賢因
此亦號咷誰憐愁苦多衰改未到潘年有二毛

及第過堂日作

早隨真侶集蓬瀛
闔闔門開尚見星
龍尾樓臺迎曉日
鰲頭宮殿入青冥
瞻鸞凡骨昇仙籍
忽訝麻衣謁相庭
百辟斂容開路看
片時輝赫勝圖形

余作探使以繡綾手帛子寄賀因而有詩

解寄繡綾小字封
探花筵上
映春叢
黛眉印在微
微繡檀口
消來薄薄紅
纔處直應心
共
厭
研時兼
恐
汗先融
帶墨春
蠶還東去
却繫
帶
解
雪
臂

謝繡書懷

聯袂登仙到客轅
微纓樓西畔
坐書堂
山禽養久知

人嘆勝竹葉黃梅月光粉壁不題新詩懸小屏唯
錄古詩章和雅意勞心力富國安民難道長

歸家閣下

一雙楊柳著開舉馬蹄閒慢水塔樓黃昏後見山
田火臘臘時聞縣郭鍾瘦竹迸生僧寺石野藤纏
殺鶴懸絲釣磯自別經秋雨長得書香更幾重
亂後却至近甸有感

狂童容易犯金門比屋齊人作旅魂夜戶不扃生
茂草春漲自溢澗花園關中却見屯邊卒塞外翻
聞有漢村堪恨無情渭水渺茫依舊遶秦原

亂後春日途經野塘

世亂他鄉見落梅
野塘晴暖獨徘徊
船衝水鳥飛
還住袖拂楊花去
却來季重舊遊多
喪逝子山新
賦極悲哀
眼看朝市成陵谷
始信昆明是劫灰

重遊曲江

追尋前事立江汀
漁者應聞太息聲
避客野鷗如
有感損花微雪似
無情疎林自覺長
堤在春水空
連古岸平惆悵
引人還到夜
鞭鞘風冷柳煙輕

曲江夜思

鼓聲將絕月斜痕
園外閒坊半掩門
池裏紅蓮迎

白露苑中青草伴黃昏林塘闌寂偏宜夜烟火稀
疎便似村大底世間幽獨景最關詩思與離魂

早發藍關

關門愁立候雞鳴搜景馳魂入杳冥雲外日隨千
里鴈山根霜共一潭星路盤暫見樵人處棧轉時
聞驛使鈴自問辛勤緣底事半年驅馬傍長亭

山驛

參差西北數行鴈寥落東方幾片雲疊石小松張
水部暗山寒雨李將軍秋花粉黛宜無味獨鳥笙
簧稱靜聞蕭灑衿靈遺世慮驛樓紅葉自紛紛

夜船

野雲低迷煙蒼蒼平波揮目如凝霜月明船上簾
幕捲露重岸頭花木香村遠夜深無火燭江寒坐
久換衣裳誠知不覺天將曙幾簇青山鴈一行

過漢口

濁世清名一槩休古今翻覆剩堪愁年年春浪來
巫峽日日殘陽過沔州居雜商徒偏富庶地多詞
客自風流聯翩半世騰騰過不在魚船卽酒樓

漢江行次

村寺雖深已暗知幡竿殘日迥依依沙頭有廟青

林合驛步無人白鳥飛牧笛自中隨草遠漁歌得
意扣舷歸竹園相接春波暖痛憶家鄉舊釣磯

遊江南水陸院

早於喧雜是深讐猶恐行藏墜俗流高寺懶爲攜
酒去名山長恨送人遊河見月空垂淚風雨看
花欲白頭除却祖師心法外浮生何處不堪愁

和王舍人撫州飲席贈韋司空

樓臺掩映入春寒絲竹錚鏦向夜闌席上弟兄皆
杞梓花前賓客盡鶯鶯孫弘莫惜頻開閣韓信終
期別築壇削玉風姿官水土黑頭公自古來難

隰州新驛贈刺史

賢侯新換古長亭先定心機指顧成
高義盡招秦逐客曠懷偏接魯諸生
萍蓬到此銷離恨燕雀飛來帶喜聲
却笑昔賢交易極一開東閣便垂名

老將

折槍黃馬倦塵埃掩耳凶徒怕疾雷
雪密酒酣偷號去月明衣冷斫營迴
行驅貔虎披金甲立聽笙歌擲玉杯
坐久不須輕矍鑠至今雙擘硬弓開

余自刑部員外郎爲時權所擠值盤石出鎮
藩屏朝選賓佐以余充職掌記鬱鬱不樂因

成良句寄所知

正叨清綬忽從戎況與燕臺事不同開口謾勞矜
道在撫膺唯合哭途窮操心未省趨浮俗點額尤
慙自至公他日陶甄誅墜屨滄洲何處覓漁翁

寄友人

傷時惜別心交加摺願一向千谷嗟曠野風吹寒
食月廣庭煙着黃昏花長擬醺酣遺世事若爲局
促問生涯夫君亦是多情者幾處將愁帶酒家

離家第二日却寄諸兄弟

睡起褰簾日出時今辰初恨聞容輝千行淚激傍

人感一點心隨健步歸却望山南空黯黯迴看僮僕亦依依定知兄弟高樓上遙指征途羨鳥飛

午睡夢江外兄弟

長日居閒門不開遶門青草

一作青樓

絕塵埃空庭日

午獨眠覺旅夢天涯相見迴鬢向此時應有雪心從別處卽成灰如何水陸三千里幾月書郵始一來

見別離者因贈之

征人草草盡戎裝征馬蕭蕭立路傍罇酒闌珊將遠別秋山迤邐更斜陽白髭兄弟中年後瘴海程

途萬里長曾向天涯懷此恨見君嗚咽更淒涼

及第後出京別錦兒

一尺紅綃一首詩贈君相別兩相思畫眉今日空
畱語解佩他年更可期臨去莫論交頸意清歌休
着斷腸詞出門何事休惆悵曾夢良人折桂枝

江南送別

江南行止忽相逢江館棠梨葉正紅一笑共嗟成
往事半酣相顧似衰翁關山月皎清風起送別人
歸野渡空大底多情應已老不堪岐路數西東

過臨淮故里

交遊昔歲已凋零第宅今來亦變更舊廟荒涼時
饗絕諸孫饑凍一官成五湖竟負他年志百戰空
垂異代名榮盛幾何流落久遣人襟抱薄浮生

吳郡懷古

主暗臣忠枉就刑遂教強國醉中傾人亡建業空
城在花落西江春水平萬古壯夫應抱恨至今詞
客盡傷情徒勞鐵鑠長千尺不覺樓船下晉兵

北齊二首

任道驕奢必敗亡且將繁盛悅嬪嬙幾千奩鏡成
樓柱六十間雲號殿廊後主獵迴初按樂胡姬酒

醒更新粧綺羅堆裏春風畔年少多情一帝王
神器傳時異至公敗亡安可怨忿忿犯寒獵士朝
頻戮告急軍書夜不通并卻義旗遮日暗鄴城飛
焰照天紅周朝將相還無禮寧死何須入鐵籠

疎雨

疎雨從東送疾雷小庭涼氣淨莓苔卷簾燕子穿
人去洗硯魚兒觸手來但欲進賢求上賞唯將拯
溺作良媒戎衣一掛清天下傳野非無濟世材

太平谷中翫水上花

山頭水從雲外落水面花自山中來一溪紅點我

獨惜幾樹密房誰見開應有妖魂隨暮雨豈無香
跡在蒼苔凝眸不覺斜陽盡忘逐樵人躡石回

殘花

餘霞殘雪幾多在薦香冶態猶無窮黃昏月下惆
悵白清明雨後寥稍紅樹底草齊千片淨墻頭風
急數枝空西園此日傷心處一曲高歌水向東

惜花

嫩白離情高處切膩香愁態靜中深眼隨片片沿
流去恨滿枝枝被雨淋

一作侵

總得苔遮猶慰意若

教泥污更傷心臨軒一盞悲春酒明日池塘是綠

陰

六月十七日召對自辰及申方歸本院

以下天復

元年入翰林後作

清水簾開散異香恩深咫尺對龍章花應洞裏常
時發日向壺中特地長坐久忽疑一作驚查犯斗歸
來兼恐海生桑如今冷笑東方朔唯用諷諧侍漢

皇

中秋禁直

星斗疎明禁漏殘紫泥封後獨憑欄露和玉屑金
盤冷月射珠光貝闕寒天覩樓臺籠苑外風吹歌

管下雲端長卿祗爲長門賦未識君臣際會難

雨後月中玉堂閒坐

銀臺直北金鑿外暑雨初晴皓月中唯對松篁聽
刻漏更無塵土翳虛空綠香熨齒冰盤果清冷侵
肌水殿風夜久忽聞鈴索動玉堂西畔響丁東禁署
嚴密非本院人雖有公事不敢遽入至於內夫人
宣事亦先引鈴每有文書卽內臣立於門外鈴聲
動本院小判官出受受訖授院使院使授學士

苑中

上苑離宮處處迷相風高與露盤齊金堦鑄出狻

猊立玉柱雕成拂秣

一作秣猊一作翡翠

啼外使調鷹初得

按五坊外按使以鷹隼初調中官過馬不教嘶上每
習始能擒獲謂之得按
乘馬必聞官馭以進謂之過
馬既乘之而後蹀躞嘶鳴
笙歌錦繡雲霄裏獨
許詞臣醉似泥

與吳子華侍郎同年玉堂同直懷恩敘懇因
成長句四韻兼呈諸同年

往年鶯谷接清塵今日鼇山作侍臣二紀計偕勞

筆硯

余與子華俱
久同名場

一朝宣入掌絲綸聲名烜赫文

章士金紫雍容富貴身絳帳恩深無報路語餘相
顧却酸辛

宮柳

莫道秋來芳意違
宮娃猶似妬蛾眉
幸當玉輦經
過處不怕金風清
蕩時草色長承垂
地葉日華先
動映樓枝
澗松亦有凌雲分
爭似移根太液池

冬十一月駕幸岐下作

曳裾談笑殿西頭
忽聽征鐃從冕旒
鳳蓋行時移
紫氣驚旗駐處認
皇州曉題御服頒
羣吏夜發宮
嬪詔列候雨露涵
濡三百載不知誰
擬殺身酬

冬至夜作

天復二年
駕在岐下

中宵忽見動葭灰
料得南枝有早梅
四野便應枯
草綠九重先覺凍
雲開陰冰莫向河
源塞陽氣今

從地底迴不道慘舒無定分却憂蛟響又成雷

恩賜櫻桃分寄朝士

未許鶯偷出漢宮上林初熟半金籠
蔗漿自透銀盃冷朱實相輝玉椀紅
俱有亂離終日恨貴將滋味片時同
霜威食蘖應難近宜在紗牕繡戶中

戊籤七十五韓偓之三

唐音統籤卷

七百一

七言律詩二

訪同年虞部李郎中

甲子朔南作

策蹇相尋犯雪泥，廚煙未動日平西。
門庭野水襍穠蕪，鄰里短牆吟喔鷄。
未入慶宵君擇肉，畏逢華轂我吹葦。
地爐貰酒成狂醉，更覺襟懷得喪齊。

春陰獨酌寄同年虞部李郎中

春陰漠漠土脈潤，春寒微微風意和。
悶嗔入甲奔競態，醉唱落關漁樵歌。
詩道揣量疑可進，宦情剋轉無多。
酒酣狂興依然在，其奈千莖鬢雪何。

奉和峽州孫舍人肇荊南重圍中寄諸朝士
二篇時李常侍洵嚴譚議龜李起居殷衡李
郎中冉皆有繼和余久有是債今至湖南方
暇牽課

敏手何妨課沐金敢懷私忿教羊斟直應宜室還
三接未必豐城便降沉熾炭一爐真玉粹濃霜千
澗老松心私恩尚有捐軀誓況是君恩萬倍深
征途安敢更遷延冒入重圍勢使然衆果却應存
苦李五瓶唯恐竭其泉多端莫撼三珠樹密策尋
遺七寶鞭黃篋舫中梅雨裏野人無事日高眠

同年前虞部李郎中自長沙赴行在余以紫
石硯贈之賦詩代書

斧柯新樣勝珠璣堪贊星郎染翰時不向東垣修
直疏卽須西掖草妍詞紫光稱近丹青筆聲韻宜
裁錦繡詩蓬島侍臣今放逐羨君迴去逼龍墀

瑞州
山名

寄湖南從事

索寞襟懷酒半醒無人一爲解餘醒岸頭柳色春
將盡船背雨聲天欲明去國正悲同旅鴈隔江可
忍更啼鶯蓮花幕下風流客試與溫存譴逐情

贈湖南李思齊處士

兩板船頭濁酒壺
七絳琴畔白髭鬚
三春日日黃梅雨
孤客年年青草湖
燕俠冰霜難狎近
楚狂鋒刃觸凡愚
知余絕粒窺仙事
許到名山看藥爐

贈漁者

個儂居處近誅茅
枳棘籬兼用荻梢
盡日風扉從自掩
無人筒釣是誰拋
城方四面牆陰直
江濶中心水脉坳
我亦好閒求老伴
莫嫌遷客且論交

病中聞復官二首

此詩編入甲子歲爲天祐元年詳詩意尚是昭宗

遷洛未弒時語云甲子非謬也乃史稱召命在天祐二年乙丑復官先在甲子而

徵命則在
乙丑歲歟

抽毫連夜侍明光執戟三年從省方燒玉謾勞曾
歷試鏢金寧爲欠周防也知恩澤招讒口還痛神
祇誤直腸聞道復官翻涕泗屬車何在水茫茫

又掛朝衣一自驚始知天意重推誠青雲有路通
還去白髮無私健亦生曾避暖池將浴鳳

倥傯嘗襍入相也

却同寒谷乍遷鶯宦途巖嶮終難測穩泊漁舟隱
姓名

夏五月自長沙抵醴陵貴就溪僻以便疎慵
由道林之南步步勝絕去綠口分東入南小

江山水益秀村籬之次忽見紫薇花因思王
堂及西掖廳前皆植是花遂賦詩四韻聊寄
知心

職在內庭宮闕下廳前皆種紫薇花眼明忽傍漁
家見魂斷方驚鳳闕賒淺色暈成宮裏錦濃香染
著洞中霞此行若遇支機石又被君平驗海查

洞庭翫月

洞庭湖上清秋月月皎湖寬萬頃霜玉枕深沉潭
底白金盃細碎浪頭光寒驚烏鵲離巢噪冷射蛟
螭換窟藏更憶瑤臺逢此夜水精宮殿挹瓊漿

欲明

以下在體陵作

欲明離被風吹倒過午門因客到開忍苦可能遭
鬼笑息機應免致鷗猜岳僧互乞新詩去酒保頻
徵舊債來唯有狂吟與沉飲時時猶自觸靈臺

小隱

借得茅齋岳麓西擬將身世老鋤犁清晨向市煙
含郭寒夜歸村月照溪爐爲牕明僧偶坐松因雪
折鳥驚啼靈椿朝菌由來事却笑莊生始欲齊

卽日

萬古離懷憎物色幾生愁緒溺風光廢城沃土肥

春草野渡空船蕩夕陽倚道向人多脉脉爲情困
酒易悵悵宦途棄擲須甘分迴避紅塵是所長

避地

西山爽氣生襟袖南浦離愁入夢魂人泊孤舟青
草岸鳥鳴高樹夕陽村偷生亦似符天意未死深
疑負國恩白面兒郎猶巧宦不知誰與正乾坤

息兵

漸覺人心望息兵老儒希覲見澄清正當困辱殊
輕死已過艱危却戀生多難始應彰勁節至公安
肯爲虛名暫時勝下何須恥自有蒼蒼鑒赤誠

有感

堅辭羽葆與吹鐃
翻向天涯困繫匏
嫠老未曾忘
炙背何人終擬問
包茅融風漸暖將
迴鴈滌水猶
腥近斬蛟萬里關
山如咫尺
女牀唯待鳳歸巢

八月六日作四首

集云壬申年作然此詩自紀朱溫弑昭宗事甲子年

所作也意溫於壬申年被弑此詩方敢出故附之壬申耳

日離黃道十年櫜
斂手重開造化門
火帝動爐銷

劍戟風師吹雨洗
乾坤左牽犬馬誠
難測

禮效馬羊者右

牽之取其便效犬者左牽之防其齧噬

右袒簪纓最負恩
丹筆不知

誰定罪莫畱遺跡
怨神孫

前四語紀昭宗天復反正事後四語紀甲子事

神孫殆

指哀宗

金虎挺災不復論構成狂獬犯車塵御衣空惜侍
中血國璽幾危皇后身圖霸未能知盜道飾非唯
欲害仁人黃旗紫氣今仍舊免使老臣攀畫輪

黃旗

紫氣句似猶
有望於哀宗

簪裾皆是漢公卿盡作鋒鏑劍血腥顯負舊恩歸
亂主難教新國用輕刑亢中狡免終須盡井上嬰
兒豈自寧底事亦疑懲未了更應書罪在泉扃

用輕

刑指蔣玄暉朱友恭氏叔琮輩穴中狡
兔附逆諸臣井上嬰兒為哀宗危也

坐看苞藏負國恩無才不得預經綸袁女墜曉尋

憂漢買誼濡毫但過秦威鳳鬼應遮矢射靈犀天
與隔埃塵隄防瓜李能終始免愧於心負此身此篇

自謂也遮矢射言免
禍隔埃塵言免汚

雪中過重湖信筆偶題

道方時險擬如何謫去甘心隱薜蘿青草湖將天
暗合白頭浪與雪相和旗亭臘酎踰年熟水國春
帆向晚多處困不忙仍不怨醉來唯是欲傴僂

翫水禽

兩兩珍禽渺渺溪翠襟紅掌淨無泥向陽眠處莎
成毯踏水飛時浪作梯依倚雕梁輕社燕抑揚金

距笑晨雞勸君細認漁翁意莫遣緇羅誤穩棲

湖南絕少含桃偶有人以新摘者見惠感事

傷懷因成四韻

時節雖同氣候殊不知堪薦寢園無合充鳳食畱

三島誰許鶯偷過五湖苦笋恐難同象七秦中為懷笋之

會乃三酪漿無復瑩蠟珠湖南無此酪之味金鑒歲歲長

宣賜忍淚看天憶帝都每歲初進之後先宣賜學士

梅花

梅花不肯傍春光自向深冬有艷陽龍笛遠吹胡

地月燕釵初試漢宮粧風雖强暴翻添思雪欲侵

凌更助香應笑暫時桃李樹盜天和氣作年芳

湖南梅花一冬再發偶題於花樓

湘浦梅花兩度開直應天意別栽培玉爲通體依稀見香號返魂容易迴寒氣與君霜裏退陽和爲爾臘前來妖桃莫倚東風勢調鼎何曾用不材

贈易卜崔江處士

袁州

白首窮經通秘義青山養老度危時門傳組綬身能退家學樵漁跡更奇四海盡聞龜策妙九霄堪歎鶴書遲壺中日月將何用借與閒人試一窺

丙寅二月二十二日撫州如歸館雨中有懷

諸朝客

悽悽惻惻又微嚔欲話羈愁憶故人薄酒旋醒寒
徹夜好花虛謝雨藏春萍蓬已恨爲逋客江嶺那
知見侍臣未必交情繫貧富柴門自古少車塵

登南神光寺塔院

丙寅
福州

無奈離腸易九迴強攄離抱立高臺中華地向城
邊盡外國雲從島上來四序有花長見雨一冬無
雪却聞雷日宮紫氣生冠冕試望扶桑病眼開

秋深閒興

此心兼笑野雲忙甘得貧閒味甚長病起乍嘗新

橘柚秋深初換舊衣裳晴來喜鵲無窮語雨後寒
花特地香把釣覆棋兼舉白不離名教可顛狂

故都

故都遙想草萋萋上帝深疑亦自迷塞鴈已侵池
籞宿宮鴉猶戀女牆啼天涯烈士空垂涕地下強
魂必噬臍掩鼻計成終不覺馮驩無路數鳴鷄

再思

暴殄由來是片時無人向此畧遲疑流金鑠石玉
長潤敗柳凋花松不知但保行藏天是證莫矜纖
巧鬼難欺近來更得窮經力好事臨行亦再思

有囑

晚涼閒步向江亭
默默看書旋旋行
風轉滯帆狂得勢
潮來渚水寂無聲
誰將覆轍詢長策
願把棼絲屬老成
安石本懷經濟意
何妨一起爲蒼生

一夢仙

紫霄宮闕五雲芝
九級壇前再拜時
鶴舞鹿眠春草遠
山高水潤夕陽遲
每嗟阮肇歸何速
深羨張騫去不疑
澡練純陽功力在
此心惟有玉皇知

早起探春

丁卯福州

勾芒一夜長精神
臘後風頭已見春
煙柳半眠藏

利臉雪梅含笑綻香脣
潮因閒暇思量酒必怨顛
狂泥摸人若個高情能似我
且應欹枕睡清晨

味道

如舍瓦礫竟何功癡黠
相兼似得中心繫是非徒
悵望事須光景旋虛空
并沈不定都如夢毀譽無
恒却要聾弋者甚多應
扼腕任他閒處指冥鴻

秋郊閒望有感

楓葉微紅近有霜
碧雲秋色滿吳鄉
魚衝駭浪雪
鱗健鴉閃夕陽
金背光心爲感知
長慘感鬢綠經
亂早蒼浪可憐
廣武山前語楚漢
虛教作戰場

李太舍池上翫紅薇醉題

花低池小水泔泔
花落池心片片輕
酪酏不能羞白鬢
顛狂猶自睠紅英
乍爲旅客顏常厚
每見同人眼暫明
京洛林園歸未得
天涯相顧一含情
聞再除戎曹依前充職

關

豈獨鴟夷解歸去
五湖漁艇且鋪糟

己巳年正月十二日自沙縣抵邵武軍將謀
撫信之行到纔一夕爲閩相急脚相召卻請

赴沙縣郊外泊船偶成一篇

訪戴船迴郊外泊故鄉何處望天涯半明半暗山村日自落自開江廟花數畝醖綠醅桑落酒一甌香沫火煎茶

闕

余寓汀州沙縣病中聞前鄭左丞璘隨外鎮

舉薦赴洛兼云繼有急徵旋見脂轄因作七

言四韻戲以贈之或冀其感悟也

已巳年

莫恨當年入用遲通材何處不逢知桑田變後新舟楫華表歸來舊路岐公幹寂寥甘坐廢子牟催抹促行期移櫓已數候主第惆悵沙堤別築基

夢中作

紫宸初啓制鸞鶴直向龍墀對揖班九曜再新環
北極萬方依舊號南山禮容肅睦纓綬外和氣熏
蒸劍履間扇合却循黃道退廟堂談笑百司閒

此翁

庚午曉
林場作

高閣羣公莫忌儂儂心不在宦名中嚴光一唾垂
綬紫何裨三遺大帶紅金勁任從千口鑠玉寒曾
試幾爐烘唯應鬼眼兼天眼窺見行藏信此翁

卜隱

屏跡還應減是非却憂藍玉又光輝桑梢出舍盤

初老柳絮蓋溪魚正肥

魚食楊花而肥

世亂豈容長愜意

景清還覺易忘機
世間華美無心問
藜藿充腸芋作衣

閒居

厭聞趨競喜閒居
自種蕉菁亦自鋤
麋鹿跳梁憂觸撥
鷹鷂搏擊恐籠疎
拙謀却爲多循理
所短深慙盡信書
刀尺不虧繩墨在
莫疑張翰戀鱸魚

贈隱逸

靜隱須教隱者尋
清狂何必在山陰
峰彈牕紙塵侵視
鳥聞花庭露滴琴
莫笑亂離方解印
猶勝顛

月音集
蹶未抽簪築金誘得非名士況是無人解築金

寄隱者

煙郭雲扃路不遙
懷賢猶恨太迢迢
長松夜落釵千股
小港春添水半腰
已約病身拋印綬
不嫌門巷是漁樵
渭濱晦跡南陽卧
若比吾徒更寂寥

失鶴

正憐標格出華亭
況是昂藏入相經
碧落順風初得志
故巢因雨却聞腥
幾時翔集來華表
每日沉吟看畫屏
爲報雞羣虛嫉妬
紅塵向上有青冥

天鑒

辛未年
南安縣

何勞諂笑學趨時務實清修勝用機猛虎十年搖
尾立蒼鷹一旦醒心飛神依正道終潛衛天鑒裏
腸競不違事歷艱難人始重九層成後喜從微

寄禪師

他心明與此心同妙用忘言理暗通氣運陰陽成
世界水浮天地寄虛空劫灰聚散鎗銖黑日御奔
馳繭粟紅萬物盡遭風鼓動唯應禪室靜無風

江岸閒步

壬申年
南安縣

一手攜書一杖筇出門何處覓情通立談禪客傳
心印坐睡漁師著背蓬青布旗誇千日酒白頭浪

吼半江風淮陰市裏人相見盡道途窮未必窮

殘春旅舍

旅舍殘春宿雨晴恍然心地憶咸京樹頭蜂抱花
鬚落池面魚吹柳絮行禪伏詩魔歸靜域酒衝愁
陣出奇兵兩梁免被塵埃汚拂拭朝簪待眼明

感舊

省趨弘閣侍貂璫指座恩深刻寸腸秦苑已荒空
逝水楚天無限更斜陽時昏却笑朱絃直事過方
聞鎖骨香入室故寮流落盡路人惆悵見靈光

安貧

太平廣記云昭宗嘗面許俚爲相奏云
陛下運契中興當復用重德鎮風俗臣

座主右僕射趙崇可充是選乞迴臣之命
按崇天下幸甚上喜歎翌日制用崇暨兵
部侍郎王贊爲相梁祖聞之馳入請見於
上前且言二公長短上曰趙崇是倨薦時
倨在側梁王叱之倨奏曰臣不敢與大臣
爭上曰韓倨出尋謫官詩謀身云云此也
按史稱倨直內禁屢參密謀爲全忠所
忌又侍宴時全忠臨陛宣事衆皆去席倨
守禮不爲動全忠以爲薄已其云危捋虎
鬚非獨薦趙崇一事也廣記似覺未盡

手風慵展八行書
眼暗休尋九局圖
牕裏日光飛
野馬按頭筠管長
蒲盧謀身拙爲安
蛇足報國危
曾捋虎鬚舉世可能無
默識未知誰擬試齊竽

卽目

動非求進靜非禪
咋舌吞聲過十年
溪漲浪花如

積石雨晴雲葉似連錢
干戈歲久暗戎事枕簟秋
深減夜眠攻苦慣來無
不可寸心如水但澄鮮

余卧疾深村聞一二郎官
今稱繼使聞越笑
余迂古潛于異鄉聞之因成此篇

枕流方採北山薇驛騎交
迎市道兒霧豹祗憂無
石室泥鰭唯要有涪池不
羞莽卓黃金印却笑羲
皇白接離莫負美名書信
史清風掃地更無遺

贈僧

盡說歸山避戰

一作世

塵幾人終肯別囂氛瓶添澗

水盛將月衲掛松枝惹得雲
三接舊承前席過一

靈今用戒香燠相逢莫話金鑾事觸撥傷心不願聞

露

鶴非千歲飲猶難鷺舌偷含豈自安光澤最宜叢
菊亞蕩搖無奈綠荷乾名因霈澤隨天睠分與濃
霜保歲寒五色呈祥須得處憂雲仙掌有金盤

鵲

偏承雨露潤毛衣黑白分明衆所知高處營巢親
鳳闌靜時閒語上龍墀化爲金印新祥瑞飛向銀
河舊路岐莫怪天涯棲不穩託身須是萬年枝

驛步

癸酉年
南安縣

暫息征車病眼開
况穿松竹入樓臺
江流燈影向東去
樹遞雨聲從北來
物近劉琨招垢膩
風經庾亮污塵埃
高情自古多惆悵
賴有南華養不材

南安寓止

此地三年偶寄家
枳籬茅屋共桑麻
蝶矜翅暖徐窺草
蜂倚身輕凝看花
天近函關屯瑞氣
水侵吳甸浸晴霞
豈知卜肆嚴夫子
潛指星機認海查

訪明公大德

閩南唐
雅補

寸髮如霜袒右肩
倚肩筇竹貌怡然
懸燈深屋夜

分坐移榻向陽齋後眠剗膜且揚三毒諭攝心徐
指二宗禪清涼藥分能知味各自胸中有醴泉

七言排律

邊上看獵贈元戎

繡簾臨曉覺新霜便遣移廚校獵場燕卒鐵衣圍
漢相魯儒戎服從梁王搜山閃閃旗頭遠出樹斑
斑豹尾長贊獲一聲連朔漠賀杯環騎舞優倡軍
迴野靜秋天白角怨城遙晚照黃紅袖擁門持燭
炬解勞今夜宴華堂

錫宴日作

是歲大稔內出金幣賜百官充觀
稼宴學士院別賜越綾百匹委京

兆府公嘗後一日宴宰相於興化亭天復元年辛酉也

玉銜花馬踏香街詔遣追懽綺席開中使押從天

上去

是日在外四學士排門齊入同進狀離赴宴所奉宣差學士院使二人押去

外人

知自日邊來臣心淨比漪漣水聖澤深於激灩杯

纔有異恩頒稷契已將優禮及鄒枚清商適

一作

向梨園降妙妓新行峽雨迴不敢通宵離禁直晚

素殘醉入銀臺

當直學士二人至晚學士院使二人却押入直餘四人在外可以卜

夜內臣去外知熟間丞郎給舍多來矣宴余是日當直故有是句

喜涼

辛未南安縣

爐炭燒人百疾生鳳狂龍躁滅心情四山毒瘴乾

坤濁一簞涼風世界清楚調忽驚淒玉柱漢宮應
已濕金莖豪強頓息蛙脣吻爽利重新鵲眼睛穩
想海查朝犯斗健思胡馬夜翻營東南亦是中華
分蒸鬱相凌太不平

戊籤七十五韓偓之四

唐音統籤卷

七十二

五言絕句

野釣

細雨桃花水輕鷗逆浪飛
風頭阻歸棹坐睡倚蓑衣

曲江晚思

雲物陰寂歷竹木寒青蒼
水冷鷺鷥立煙月愁昏黃

與僧

江海扁舟客雲山一衲僧
相逢兩無語若個是南

能

荅友人見寄酒

雖可忘憂矣其如作病何淋漓滿襟袖更發楚長歌

從獵三首

天復元年
翰苑作

獵犬諳斜路宮嬪識認旗馬前雙兔起宣示羽林兒

小鐙狹鞭鞘鞍輕妓細腰有時齊走馬也學唱交交

蹀躞巴陵駿毳毼碧野雞忽聞仙樂動賜酒玉篇

提

花時與錢尊師同醉因成二十字

中子體陵作

橋下淺深水竹間紅白花酒仙同避世何用厭長

沙

大酺樂

以下二首闕南唐雅補

淚滴珠難盡容殊玉易銷儻隨明月去莫道夢魂

遙

思歸樂

晚日催絃管春風入綺羅杏花如有意偏落舞衫

多

七言絕句

偶題

俟時輕進固相妨
實行丹心仗彼蒼
蕭艾轉肥蘭蕙瘦
可能天亦妬馨香

招隱

立意忘機機已生
可能朝市汙高情
時人未會嚴陵志
不釣鱸魚只釣名

夏夜

猛風飄電黑雲生
霎霎高林簇雨聲
夜久雨休風又定
斷雲流月却斜明

流年

三月傷心仍晦日一春多病更陰天
雄豪亦有流年恨況是離魂易黯然

曲江秋日

斜煙縷縷鷺鷥棲藕葉枯香折野泥
有個高僧似圖畫把經吟立水塘西

雨村

鴈行斜拂雨村樓簾下三重幕一鈎
倚柱不知身半溼黃昏獨自未回頭

晚岸

揭起青艫上岸頭
野花和雨冷修修
春江一夜無波浪
校得行人分外愁

初赴期集

重入香奩集者誤

輕寒著背雨淒淒
九陌無塵未有泥
還是平時舊滋味
慢垂鞭袖過街西

秋雨內宴

一帶清風入畫堂
撼真珠箔碎玎璫
更看檻外霏霏雨
似勸須教醉玉觴

舊館

前歡往恨分明在
酒興詩情大半亡
還是牆西紫

荆樹殘花摘索映高塘

闌干

掃花雖恨夜來雨把酒却憐晴後寒
吳質謾言愁得病當時猶不凭闌干

驛樓

流雲溶溶水悠悠故鄉千里空回頭
三更獨凭闌干月淚滿關山孤驛樓

商山道中

雲橫峭壁水平鋪渡口人家日欲晡
却憶往年看粉本始知名畫有工夫

井州

成旗青草接榆關雨裏井州四月寒誰會憑闌潛
忍淚不勝天際似江干

過茂陵

不悲霜露但傷春孝理何因感兆民景帝龍髯消
息斷異香空見李夫人

使風

茶香睡覺心無事一卷黃庭在手中歌枕捲簾江
萬里舟人不語滿帆風

阻風

平生情趣羨漁師此日煙江愜所思
肥鰕香稻小樓鰈斷腸滋味阻風時

仙山

一炷心香洞府開偃松皴澁半莓苔
水清無底山如削始有仙人騎鶴來

頻訪盧秀才

盧時在選本

藥訣基經思致論柳腰蓮臉本忘情
頻頻強入風流坐酒肆應疑阮步兵

贈友人

莫嫌談笑與經過却恐閒多病亦多
若遣心中無

月言新集
一事不知爭奈日長何

中春憶贈

年年長是阻佳期萬種恩情只自知
春色轉添惆悵望似君花發兩三枝

寄禪師

從無入有雲峯聚已有還無電火銷
銷聚本來皆是幻世間開口漫置囂

以庭前海棠梨花一枝寄李十九員外

二月春風澹蕩時旅人虛對海棠梨
不如寄與星郎去想得朝回正畫眉

侍宴

天復元年翰林院作詩
用宮嬪傳命故云

蜂黃蝶粉兩依依
狎宴臨春日正遲
密旨不教江
令醉麗華微笑認皇慈

和吳子華侍郎令狐昭化舍人歎白菊衰謝
之絕次用本韻

正憐香雪披

一作飛

千片忽訝殘霞覆一叢

此花將
謝却有

紅還似妖姬長年後
酒酣雙臉却微紅

秋霖夜憶家

天復二年
隨駕鳳翔

垂老何時見弟兄
背燈愁泣到天明
不知短髮能
多少一滴秋霖白一莖

曉黑

甲子醴陵作

古木侵天日已沉
露華涼冷潤衣襟
江城曉黑人
行絕唯有啼鳥伴
夜碁

曉日

天際霞光入水中
水中天際一時紅
直從日觀三

更後

自注日觀峯半夜見日

首送金烏上碧空

醉著

萬里清江萬里天
一村桑柘

一作花柳

一村煙漁翁醉

著無人喚過午醒來
雪滿船

柳

元在香奩集詠柳第二首

一籠金線拂彎橋幾被兒童損細腰無奈靈和標
格在春來依舊裏長條

淨興寺杜鵑一株繁艷無比

一園紅艷醉坡陀自地

一作帶

連梢簇倩羅蜀魄未

歸長滴血祇應偏滴此叢多

翠碧鳥

天長水遠

一作地久

網羅稀保得重重翠碧

一作羽

衣挾

彈小兒多害物勸君莫近市朝

一作五陵

飛

家書後批二十八字

時簡長在登州

四序風光總是愁鬢毛衰颯涕橫流此書未到心

先到想見孤城海岸頭

贈孫仁本尊師

在袁州

齒如冰雪髮如驚幾百年來醉似泥不共世人爭
得失臥牀前有上天梯

荔枝三首

丙寅年
福州

遐方不許貢珍奇密詔唯教進荔枝漢武碧桃爭
比得枉令方朔號偷兒

封開玉籠鷄冠澁葉襯金盤鶴頂鮮想得佳人微
啓齒翠釵先取一枝懸

巧裁霞片裹神漿崖蜜天然有異香應是仙人金

掌露結成冰入茜羅囊

寄上兄長

唐書僊兄儀官御史中丞
僊貶之明年亦貶棣州

兩地支離路八千襟懷悽愴鬢蒼然亂來未必長
團會其奈而今更長年

寶劍

困極還應有甚通難將糞壤掩神蹤斗間紫氣分

明後壁地成川看化龍

有法通萬首絕句作有日
通後二句作但教出得豐

城後不是延
津亦化龍

兩賢

賣卜嚴將賣餅孫兩賢高趣恐難倫而今若有逃

名者應被品流呼差人

差千個切與蹉同足跌也又過也言其人之可怪也

近本萬首絕句改為俗字誤

鄭左丞入洛一絕請爲申達京洛親交知余

病廢

已已

鬢惹新霜耳舊聾眼昏腰曲四肢風交親若要知
形候嵐嶂煙中折臂翁

建溪灘波心目驚眩余平生溺奇境今則畏

怯不暇因書二十八字

是年至邵武

長貪山水羨漁樵自笑揚鞭趁早朝今日建溪驚
恐後李將軍畫也須燒

自沙縣抵尤溪縣值泉州軍過後村落皆空

因有一絕

庚午唐音作襄陽旅道軍後有感誤

水自潺湲日自斜盡無雞犬有鳴鴉千村萬落如
寒食不見人煙空見花

騰騰

庚午桃林場作

八年流落醉騰騰點檢行藏喜不勝烏帽素餐兼
施藥前身多恐是醫僧

中秋永夕奉寄楊學士兄弟

鱗差甲子漸衰遲依舊年年困亂離八月夜長鄉
思切鬢邊添得幾莖絲

僧影

山色依然僧已亡竹間疎磬隔殘陽
智燈已滅餘空燼猶自光明照十方

清興

辛未年
南安縣

陰沉天氣連翩醉摘索花枝撩去聲峭寒擁鼻遶廊
吟看雨不知遺却竹皮冠

船頭

兩岸綠蕪齊似翦掩映雲山相向晚
船頭獨立望長空日艷波光逼人眼

雷公

閑人倚柱笑雷公又向深山霹怪松
必若有蘇天下意何如驚起武侯龍

野塘

壬申南安

侵曉乘涼偶獨來不因魚躍見萍開
卷荷忽被微風觸瀉下清香露一杯

卽目

癸酉南安

書牆暗記移花日洗甕先知醞酒期
須信閒人忙事早來衝雨覓漁師

訪隱者遇沉醉書其門而歸

曉入江村覓釣翁釣翁沉醉酒缸空
夜來風起閒

花落狼籍柴門鳥徑中

寄鄰莊道侶

聞說經旬不啓關
藥牕誰伴醉開顏
夜來霜壓村前竹
剝見溪南幾尺山

觀雞鬪偶作

何曾解報稻粱恩
金距花冠氣過雲
白日梟鳴無意問
唯將芥羽害同羣

蜻蜓

碧玉眼睛雲母翅
輕於粉蝶瘦於蜂
坐來迎一作併

拂波光久舞

一作舞

豈

一作可

是殷勤爲

一作戀

蓼叢

十月七日早起作時氣疾初愈

疾愈身輕覺數通山無嵐瘴海無風陽精欲去陰
精落天地苞含紫氣中

卷終